

Universitätsbibliothek Paderborn

**Joannis Bonae, Eminentissimi S. R. E. Titulo S. Bernardi
Ad Thermas Cardinalis Presbyteri Opera Quotquot
hactenùs separatim edita fuerê Omnia**

Bona, Giovanni

Antverpiae, 1677

§. 4. Amor evigilare facit. Quomodo vigilandum sit. Quae sint Vigiliae mysticae.

urn:nbn:de:hbz:466:1-10805

*Invidia, vel amore vigilare queberet: nam car
que ledunt oculos festinum demere, si quod
Est animum differt curandi tempus in annum.*

Sic canit qui se unum Epicuri de grege fatur.
Verum hujus & aliorum sapienter cantantium,
& incantantium carmina aspides surdae, viles
animæ, somni mancipia obturatis auribus af-
pernantur. Ut enim magnus Orator ^a ait, Non
possunt audire stulti vocem clamantis sapientæ.
Plura de vigilantia Cresfolius tomo 2. Antholo-
giae cap. 4. Observat autem Petrus Roverius in
illustrationibus Historie Monasterii Reomaen-
sis num. 34. quod officii cursus ferè ibi per-
agebatur nocturnis horis ex Regula S. Ma-
carii, nam dicto Matutino meditationi vaca-
bant Monachi usque ad horam secundam, deinde
usque ad nonam opus manuum exercebant,
more scilicet Ægyptiorum, de quo Gassianus
lib 3. inst. cap. 2.

4. Suscita nos Domine, ut vigilemus, &
oremus, ne incidamus in temptationem, quo-
niam tribulatio proxima est, & non est qui ad-
juvet. Quam citò clauditur oculus, ne te vide-
at, collabitur pes noster in hoc mare magnum,
& spatio sum manibus, ubi sunt reptilia, quo-
rum non est numerus, que somniorum suorum
phantasis intentam ludificant animam, & tra-
hant in cor maris, unde non facilis ad superio-
ra reditus est, nisi tu emittas manum tuam de
alto, & liberes nos de aquis multis. Suscita
nos Domine, ut tecum vel una hora vigile-
mus, & oremus. Quis autem est qui tecum
vel una hora vigilet? Etiam in celo non est fac-
tum silentium, nisi quasi media hora: quan-
to minus in terra una hora vigilabimus tecum?
Quoties redis ad nos, & invenis dormientes,
& tamen benigne suscitas nos, & iterum abis
secundo, & tertio eundem sermonem dicens?
Statim autem ut recesseris, iterum somnus oc-
cupat nos, nec vigilare possumus, nisi quandiu
nobiscum es, & suscitas nos. Venis in secun-
da, & tertia vigilia; Sed beatus ille, quem
tunc inveneris vigilantem ^z.

^y Demosthenes 1. olymphiaca. ^z Drogo Abbas lib.
de Sacram. Dominicæ Passionis.

S. IV.

*Amor vigilare facit. Quomodo vigilandum
sit. Que sint vigilia mystica.*

1. **V**igilare non potest, qui non amat. Ja-
cob ille, cui tam facilis erat somnus,
ut etiam in arena procumbens, duroque silici
innixus inter hostium appropinquatum infi-
dias suavi posset sopore deimergi, cum tamen
amori deditus esset, omnino dormire non po-
terat, & somnus fugiebat ab oculis suis. Ita
quicunque diligit, dormire non potest: qui-
cunque amator sapientæ est, mane vigilabit ad
eam, quoniam qui vigilat, inveniet illam. Vi-
gilias inducit amor, ait Gilbertus ^a noster, aman-
tis anxietas illum dormire non finit, somnolentiam
excudit. Amor de quiete ipsa redditur
inquietior. Tunc magis vires exercet dulce in-
cendium, & flamma vorax de latibulis evadens
vacuo liberius evagatur in animo, altius possi-
dens, & avidius depascens. Occasione accepta
suum nescit amor non exercere negotium. Ve-
rus enim, & perfectus amor, ut Laurentius Ju-
stinius ^b docet, semper studet prævenire dile-
ctum, non parcit sibi, non corpori requiem, non
somnum oculis, non praefat palpebris dor-
minationem. In sui latitudine corporis corpora-
les querit latebras, fugit publicum, homi-
num consortia devitat, notorum facies declina-
nat, ut licentius suspiriis, gemitibus inerarri-
bilis, singultibus, & quibusdam amoris
nutibus suum, quem diligit, valeat advocare
dilectum.

M E T R U M VIII.

S Vrgit amor, & alatque facis, & spicula vibrat,
Mergit ut aequoris lumen Phœbus aquis.
Cumque serenato luce scintillat sidera celo,
Cæaque nocturno frigore terra riget:
Tunc amor arcans populat viscera flammis,
Pectora tunc rapidis ignibus iusta calent.
Lumine nempè novo nox ambitiosa refulget,
Gaudet & occulta luce referre diem.
Flammescunt gelidæ tremulis splendoribus um-
bre,
Et polus ætherea mittit ab arce faces.

Squa-

^a Gilbert. ser. 8. in Cantic. ^b Laur. Iustinianus de
casto coniug. Verbi, & animæ cap. 13.

Squamigerum stupet omne genus, ludique per undas
 Dum natat in vitro pendula flamma mari.
 In tenebris ardens scintillat pectus amantis,
 Nocte vigent flammæ, nocte triumphat amor.
 Quod si sessa juvat compонere membra sopore,
 Tunc magis ardentij fulminat ille manu.
 Fulminat, & tantis languescunt pectora flammis,
 Langueat ut in calidis flosculus usus agris.
 Nuper nocte measurebat flamma medullas,
 Aetna non potuit sierior esse rogis.
 Dumque ardens jaceo, dum languo multa volvuntur,
 Dormio sub vili tegmine stratus humi.
 Tunc mibi languenti misit bona somnia Numen,
 Somnia formoso candidiora die.
 Confitit ante oculos species veneranda pueræ,
 Et Superum facies prodidit esse choro.
 Induerat Tyrio distinctam murice vestem,
 Texili & instackas cinxerat igne niveis,
 Stellantes oculi, miseri duo fulmina cordis,
 Factabant rapidos frontis ab are rogos.
 Dextera fulgebat viridi stellata smaragdo,
 Ornabat niveum plurima bacca spinum.
 Praeterero gemina radiantes aure pyropos,
 Albaque purpureis lilia pista genis.
 Mitto quod Eois certarent labra corallis,
 Et ruinas premerent aurea ferta comas.
 Harebam tantæ pellebas imagine forme,
 Fundebamque humiles, ore facente, precos.
 Nec mora: jam lacrymas, jam mollia verba parabam,
 Quæs mibi tantus erat conciliandus amor.
 Illa sed infolias spargens furibunda favillas,
 Hos mibi terrificos edidit ore sonos:
 Gloria summa poli, soboles primæva Tonantis,
 Non soleo ignatos sacra docere viros.
 Deliciae, fator, mibi sunt humana propago,
 Ni inficerem animum, d'primicerentque solo.
 Dixi etiam quondam, Nox est mea sola voluptas,
 Nec nisi qui vigilant me reperire queunt.
 Nocte micat mea lux, mibi sidera lumine cedunt,
 Attraque fit radius Cynthia vœta meis.
 Ipse meo fulgens Titam aspirat honori,
 Et recreo flamma splendidiore pulm.
 Cum mea lux fulget, cum spargo per aera flammis,
 Verbitur in clarum nox tenebrosa diem.
 Cumque meo humanum perfundo lumine pectus,
 Dignus homo est Superum conditione frui.
 Vix ea, cum subito tenues dilapsa per auræ
 Aufugit, heu! lacrymis non revocanda met.

Tunc votis frustrata suis mens excidit, omnis
 Me virtus liquit, desit, utque sopor.
 Et dixi recolens felicis gaudia somni,
 Solus erit Sophie dignus amore vigil.

2. Verè autem vigil est, qui soli Deo jugiter vigilat: qui cor suum sedulo præparat ad appetiendam illi quacunque hora pulsaverit. Id est vigilias noctis custodimus in quatuor partes nocturnum officium dividentes, in tres videlicet Nocturnos, & Laudes, quia, ut observat Innocentius Papa ^c, munire cor debemus contra quatuor hostes animæ, contra fallacias demonum, contra versutias hominum, contra carnalibus concupiscentias, contra sæculares illecebras, ut sic semper parati simus, cum vocem sponsi pulsantis audierimus. Ceterum vigilat Dominus, ait quidam doctus, & plus Scriptor ^d, qui ad ipsum de luce fidei, atque veritatis suspirat, & ad ipsum tota intentione se tollit. Vigilat Dominus, qui omnem animæ, atque corporis beatitudinem in ipso sit habere. Dominus solum vigilat, qui propter ipsum segregatur à mundo, & animæ similiter, & corporis solitudinem querit, & devitat humana confortia, ne vigilia præpediatur divina. Hoc enim dicebat David orans oratione pauperis, dum ejus anima anxiaretur coram Domino: Vigilavi, & factus sum sicut passer solitarius in tecto. Notissima est illa Domini nostri exhortatio: Vigilate, & orate, ut non intretis in tentationem. Et quis hoc dixerit, scitis, scribit mellito calamo Bernardus ^e, & tempus scitis: Domini enim est verbum illud, instantे Passione sua. Vigilate, & orate, ut non intretis in tentationem, quoniam undique circumdati estis temptationibus: unde & legistis quia tentatio est vita hominis super terram. Itaque si tot temptationibus plena est vita nostra, ut non immergit tota ipsa tentatio debeat appellari, pervigili circumspectione opus est, & oratione, ne inducamur in eam. Ipsa vigilantia omnia reddit facilitia, carnem spiritui subiicit, vitia comprimit, mentem elevat, divini amoris ignem accendit, & nutrit. Nonnè Patres nostri in custodiendis vigilias supra modum soliciti admiranda potius quam imitanda vigilantiae reliquerunt exempla? Homines erant similes nobis, passibles: Unde ergo, rursum Bernardi ^f mel pro-

^c Innocent. III. serm. 3. de Apostolis. ^d Simon de Cassia. lib. 1. de gestis Salvat. cap. 23. ^e Bernard. ser. 5. in Ps. Quia habitat. ^f Idem serm. 2. de S. Andrea.

propino, unde in tanta fragilitate tanta constan-
tia! Unde in hominibus tam spiritualis mens tam fervens charitas, animus tam robustus! Planè spiritus erat, qui adjuvabat infirmitatem eorum, per quem diffundebatur in cordibus ipsorum fortis charitas ut mors, imò & fortior morte. Cuius ô si & nos participes inveniamur! Ecce enim molestus est nobis poenitentie labor, corporis afflictio gravis; abstinentia onerosa, in vigiliis dormitiae anima nostra præ tædio, non ob aliud sanè, quam propter inopiam spiritus. Ipse enim, si adesset, adjuvareret sine dubio infirmitatem nostram. Hæc ille, qui deinde hortatur nos ad quærendum hunc spiritum, ut spiritum suum in nobis ageat, qui jam primitias dedit: & quem per Dei gratiam jam nos habere confidimus, abundantius habeamus. Modus verò quærendi, & inveniendi hanc spiritum, ipsæ vigilæ sunt. Et quoniam cœpimus inter Bernardi flores spatiari, ad aliam areolan te duco, mi carissime lector. Aude Doctorem inclytum interrogare, ut olim Christum adolescentem &: Quid faciendo Spiritum sanctum possidebo? Audi nunc respondentem. Custodiendæ sunt vigilæ noctis super gregem cogitationum, & actionum nostrarum, ut, si in prima vigilia, vel secunda, vel tertia Dominus venerit, paratos nos inveniat. Benè profecto. Nam spiritus ubi vult spirat, & nescis unde veniat, aut quò vadat. Sed quænam sunt istæ vigilæ, quas custodire debemus?

3. Prima vigilia, ait ille, est restringitudo operis, ut ad hanc quam jurasti Regulam omnem vitam exæquare coneris, nec transgrediaris terminos, quos posuerunt patres tui in omnibus viæ, & vita hujus exercitii, non declinans ad dexteram, neque ad sinistram. Secunda vigilia, puritas intentionis, ut simplex oculus totum corpus lucidum faciat, ut, quidquid feceris, propter Deum facias, & ad locum unde exeat gratiae revertantur, ut iterum fluant. Tertia est custodia unitatis, ut in congregatio-
ne positus voluntates aliorum tuis voluntatibus anteponas, ut non solum sine querela, sed & cum gratia inter fratres maneas portans omnes, orans pro omnibus. His tribus vigilis ita per agis veniet manè, & videbis gloriam Domini: Veniet dies, quæ melior est in atris Domini super millia. De quatuor item vigilis mysticè Claudio Seifellus diffusè agit in libro de tri-

plici statu viatoris p. 2. tr. 2. ubi de singulis eam horis egregiè. Hic fisto: & ad matutinas Laudes ediscerendas propero, si prius hoc caput aurea sententia S. Isaaci Presbyteri, consignavero, quem utinam omnium Religiosorum cordibus inscribere, imò insculpere possem. Is in libro de contemptu mundi; Noli, inquit, putare ô homo, quod inter omnes operationes Monachorum sit alia, quamlibet sancta, conversatio major vigilis nocturnis. Monachum perseverantem in vigilis cum mentis discretione, ne respicias illum sicut carne fermentem. Hoc utique Angelici ordinis opus est, non humanum. Impossibile est autem quod illos, qui semper in hujusmodi continentia versantur, dimittat Deus sine magnis bonis propter eorum vigilantiam. Anima, quæ in vigilis laborat, & perseverat, quasi Cherubim oculos habet, quibus semper intueatur cœlestem contemplationem. Qui somno obstat, & naturæ violentiam infert, singulisque noctibus preces offert, ille solus novit virtutem. Hæc, & alia plura Sanctus Isaacius, quem de Syria partibus ad Spoletanam urbem venisse, ibique mirabiliter vixisse Magnus Gregorius asseverat.

h Isaac de contemptu mundi cap. 31. i Greg. lib. 3. dialog.

C A P U T V.

D E L A U D I B U S.

s. I.

An Laudes sunt officium distinctum à Nocturnis. Matutini nomen æquivocum. Laudes incipiente crepusculo persolvente sunt. Quid sit crepusculum, quæ ejus duratio.

1. **D**E matutinis Laudibus verba facturis illud imprimis examinandum se offert. An officium nocturnum ab ipsis Laudibus distinguitur: quod sub aliis terminis quæsitum ab aliis est; An horæ Canonicae sint septem tantum, vel octo. Si enim Nocturnos à Matutinis sejungimus, ita ut integrum horam per se constituant, clarum est octonario numero preces horarias distiniri: si autem ex utroque officio unum facimus,

Vvvv

septem

g Idem serm. 3. in vigil. Nativ. Domini.